

Crisisplan social pa mehoracion den comunidad

ORANJESTAD – Dialuna mainta den un conferencia di prensa, minister Glenbert Croes (MEP) a papia di e crisisplan social hunto cu director Glenda Hernandez di departamento di asuntonan social.

Sr. Croes a bisa cu e team di departamento asuntonan social, encarga hunto cu otro team di e implementacion di e crisisplan social, pa presenta e campaña, cu ta bay cuminsa hunto cu logo y e nificacion di esaki.

Segun e mandatario a bisa cu e ta para tras di nan esfuerso di e trabou di teamnan di asuntonan social y tambe e otro team encarga cu implementacion di henter cadena di sector social.

Un trabou grandi, e ta bisa, recordando aña pasa ora cu a ricibi e noticia di e dos muchanan cu 'tragicamente a perde nan bida, esaki a marca locual ta e trabou, mision y responsabilidad cu nos atende'. Agregando cu ta bay atende cu e crisis social pa mehora bida di muchanan, hobennan, famianan, grandi nan di pueblo en general, pa evita tragedianan. "A pesar cu ta trahando duro, nos ta spera exito den implementacion di e crisisplan social, pa por logra e mehoracion den bida di comunidad di Aruba."

Pa asina, sr. Croes a bisa, por combati e abuso di mucha, negligencia di hobennan of esunnan cu tin limitacion. Problema mental hunto cu adiccion. Hoben sin trabou y cu ta sinti bandona, pa por guianan y sinti cu tin apoyo. Pa e mayornan, pa esunnan cu mester miho cria, y mantene nan yunan. Y hende grandi cu no wordo bandona pa motibo de biehes.

E mandatario a bisa cu tin confiansa den e team den tur esaki pa asina por resolve problemanan social cu ta afecta comunidad. "Trahando hunto pa haci Aruba miho. E bida di henter nos pueblo, un presion positivo pa conscientisa comunidad mas."

Pa yuda esunnan cu problema cu por ta pasando, pa asina bisa y no keda silencioso sin cu e problema ser atendi of coregi. E silencio, segun sr. Croes, ta locual no ta drecha e problema.

Glenda Hernandez, kende ta director di departamento di asuntonan social, a bisa cu ta presenta con leu nan ta cu e crisisplan, 'nos ta trahando duro'. Segun sra. Hernandez ta bisa cu un aña pasa ora cu e muchanan cu a fayece tabata comienso, pero 'nos ta bay mas leu'.

E ta continua splica cu analisis social a wordo haci na departa-



tamento asunto social, y pa 4 luna a colecta datonan riba tereno social. "Den reportahe cu recoge riba tereno social, tur cos hunto, por a mira cu tereno social di poblacion a redobla, pero e servicio no a redobla, nos populacion ta sin trabou. Y personanan no ta solicita, paso no ta haci niun importancia."

Segun sra. Hernandez, riba tereno social mester duna servicio adecua pa atende cu problemanan social 'mas lihe posibel'. E ta remarca cu tin lista di espera, cu a pone 2 aña pa por kita nan di e lista. E ta agrega cu esey no ta aceptabel, mirando cu caso di ur-

gencia mester atende pronto. "Muchanan ta wordo abusa, pero ta bisa pa motibo cu tin cu warda, no ta haci nada, esey no ta manera di traha den nos comunidad."

El a bisa cu e prome reto ta pa traha e plan, esey a pasa. E ta remarca cu a bin cu plan pa despues lanta fondo social di e crisisplan, pa asina cuminsa eherce. Segun sra. Hernandez, cosnan a 'cuminsa cana, awo mester sigui traha pa drecha'. E ta bisa cu tin algun cosnan manera funcion, personal pa asina haci e trabounan.

Sinembargo, locual ta e update sra. Hernandez 'ta canando bon cu e diens nan'. E ta bisa cu tin ayudo riba tereno di prevencion. "E hoben cu a cuminsa experimienta cu cosnan malo, esunnan cu mester ayudo di psiquiatra y psicologo, esunnan riba caya. Cosnan cu nos kier haci y promove."

Ademas, a menciona e centro pa muchanan special cu mayornan no ta wordo cuida mas na cas. El a remarca tambe cu Wit Gele Kruis ta bay cerca muchanan, papia cu famia, pa asina duna aporta na cada bario y e famianan cu ta malo actualmente riba tereno social, sra. Hernandez a splica.

Den casonan tambe di mannan soltera cu problemanan social a bay for di man. "Laga nos duna man con pa cria yunan pa no bolbe sosode mas. Ta tuma tempo, esaki no ta resolve den un aña, el a bay fout hopi tempo caba."

Bon Dia Aruba a puntra con

ta bay haci pa yuda of controla e hobennan cu ta uza cualkier tipo di droga, of esunnan cu ta cuminsa gara e caminda pa horta, anto den caso cu a mayornan sa di esaki pero no ta bisa nada, ta prefera di tene scondi of laga e situacion bira pio.

Sra. Hernandez ta contesta cu ta trata di un situacion 'grave', mirando cu muchanan no ta haci locual nan ta lesa den buki of maestronan di scol ta bisa nan. E ta remarca cu nan ta haci locual nan mayor ta haci.

Locual ta pasa ta e impacto cu mayornan tin riba mucha. "Esaki ta trata di norma y balor esencial den nos comunidad. Integridad di kico ta haci sin niun hende ta wak bo. E ta wak impacto di mayornan mester ta consciente." El a agrega cu esey ta cosnan cu comunidad tin cu bay pensa, den cua ta nan norma y balor. Kico e mayor mester, of kier siña nan yunan. Ki sociedad kier pa nan yunan.

Bon Dia Aruba tambe a puntra, cu e mamanan soltera, si lo tin un guia pa esunnan cu no tin trabou pero ta keda haya yiu, conociendo e situacion cu e ta aden. El a contesta cu esey ta un problema grandi den sociedad. "Nos ta ripara cu Wit Gele Kruis. Nan ta haci cierto conducta unda cu ta bin lihe na yiu sin uza anti-conceptivo."

Sra. Hernandez ta remarca cu locual e mama ainda nan no sa con pa guia nan yunan, e ta bisa cu nan mes no tin e balor. Lo duna guia con pa cria.

